



**SESIÓN EXTRAORDINARIA CELEBRADA POLO PLENO DO CONCELLO O DÍA 29 -
SETEMBRO - 2006**

ORDE DO DÍA

- 1.- ALEGACIÓN CONCELLO AO ESTUDIO INFORMATIVO DA VARIANTE DE REDONDELA, CLAVE: EI-2-PO-21, PUBLICADA NO BOE DO 07.08.06.
- 2.- PROPOSTA DA PLATAFORMA VECIÑAL CONTRA AS VARIANTES DE REDONDELA.

Na Casa do Concello de Redondela, sendo as vinte horas e corenta e cinco minutos do día vintenove de setembro de dous mil seis, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MÓNICA CARREIRA COUÑAGO, D^a. MARIA ALBINA REBOREDO SURIS, D. CARLOS GONZÁLEZ FERNÁNDEZ, D^a. FRANCISCA CANAL GÓMEZ, D. JUAN TIZÓN CABALEIRO, D. FERMÍN ALFAYA PAZ, D. ANTÓN DÍAZ MOURELLE, D^a. M^a DEL CARMEN AMOEDO DASILVA, D. JAIME DARRIBA VILAS, D. XOSÉ CARLOS PAZOS DOCAMPO, D^a. CECILIA PÉREZ ORXE, D^a. PURIFICACIÓN SERRANO CAVIEDES, D. ALEJANDRO BASTOS FERNÁNDEZ, D^a. HERMINDA QUELLE FERNÁNDEZ, e D. MANUEL PÉREZ PARDO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretaria a Secretaria da Corporación DONA. ANA BEGOÑA MERINO GIL, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

Non asisten, excusando a súa ausencia, os/as Sres./as concelleiros/as: D. MANUEL IGLESIAS CARRERA, e D. RODOLFO PATO GARCIA.

INCIDENCIAS.-

Con anterioridade ao comezo da sesión e de conformidade co preceptuado no Regulamento de Participación da Veciñanza, tomou a palabra un portavoz da Plataforma Veciñal contras as Variantes de Redondela.

Con carácter previo no tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- ALEGACIÓN CONCELLO AO ESTUDIO INFORMATIVO DA VARIANTE DE REDONDELA, CLAVE: EI-2-PO-21, PUBLICADA NO BOE DO 07.08.06.-

ANTECEDENTES.-

Proposta da Alcaldía de data 26 de setembro de 2006, que transcrita dí:

“No BOE do 7 de agosto de 2006, publícase anuncio do Ministerio de Fomento polo que se somete a información pública a aprobación provisional do estudo informativo da variante de Redondela, clave: EI-2-PO-21.



(Sinatura do Presidente)

Folio N.º 10

Serie A N.º 1483493

No devandito estudio informativo recóllense catro (4) propostas, das que segundo o anuncio, por Resolución do Subdirector Xeral de Planificación, desbotanse as denominadas 2 e 3.

As propostas con posibilidades de posterior desenvolvemento, segundo a referida Resolución, plantexan un trazado con dous carrís en cada sentido de marcha, entre a EN-550 en Cesantes, a EN-552 en Outide, e a EN-550 na parroquia de Quintela, con importantes repercusións negativas nas referidas parroquias.

Tendo en conta que pola situación do Concello de Redondela entre Vigo e Pontevedra, vémanos afectados por todas as infraestruturas de comunicación que se proxectan no sur da provincia de Pontevedra, é preciso que calquera nova proposta de actuación sexa respectuosa coa realidade existente.

Tendo en conta que o Ministerio de Fomento está facendo o estudo da autovía Pontevedra-Vigo, o procedente será sempre ter definido previamente o trazado de dita autovía, e posteriormente definir a conexión con Redondela, evitando as enormes afeccións que agora mesmo se darían.

Esta Alcaldía, tralo estudio do asunto e de acordo cos grupos do PSdeG-PSOE, BNG e EU-IU da Corporación,, acordan propoñer ó Concello Pleno, a adopción do seguinte acordo:

1. Solicitar do Ministerio de Fomento o arquivo definitivo do estudo informativo da variante de Redondela, EI-2-PO-21.
2. Por razóns de urxencia, dar conta do acordo á comisión informativa correspondente para os efectos do previsto no artigo 126.2 do RD 2568/1986 de 28 de novembro polo que se aprobou o Regulamento de Organización, Funcionamento e Réxime Xurídico das Corporacións Locais (ROF)."

INTERVENCIÓNS.-

Toma a palabra o señor Pérez Pardo e dí que non todas as infraestruturas son necesarias e defenden que se potencie ao máximo o transporte público e, a partir de aí, se artellen as autoestradas. Considera que as alternativas propostas non teñen ningún sentido e se manifesta totalmente de acordo coa alegación proposta.

Toma a palabra o señor Bastos Fernández que dí que están hoxe con tódolos veciños para dicir non que xa levan sufrido moito e que os problemas actuais poidéronse evitar porque xa hai cinco meses rexeitaron a proposta dunha variante presentada polo concelleiro de urbanismo. Dí que agora están todos pola mesma causa, en contra das variantes, e queren que Redondela prospere pero non deste xeito, porque tal e como xe prantexan dividen o municipio. Pide que se mande o acordo onde faga falta.

Toma a palabra o señor Pazos Docampo, que refírese conxuntamente aos dous puntos da orde do día. Pensa que o importante é acadar un acordo unánime de tódolos grupos e apoia o rexeitamento das catro variantes porque considera que non vale ningunha das alternativas prantexadas. Fan propias as alegacións que se presentaron nese sentido.

Toma a palabra a señora Canal Gómez para dicir que o goberno pecou de falta de transparencia ao presentar unha proposta sen contar para nada co grupo do Partido Popular. Lle parece que isto non é actuar democráticamente, en especial tendo en conta que a través da prensa fixeron público que estaban dispostos a acadar consenso co resto dos grupos da corporación. Se lamenta de que en ningún momento os convocaran a ningunha reunión de traballo sobre o tema cos técnicos municipais e acusa ao goberno de non facilitar nin datos nin os informe solicitados polo grupo do PP e de non convocar unha comisión de urbanismo para trata-lo tema. Dí que o responsable da cuestión é o concello, sen que quepa botar as culpas a outra administración e que son moitos os temas nos que o goberno non actúa senón é pola mobilización dos veciños, como no caso da cementeira. Tamén resalta que Redondela segue sen plan de urbanismo...

O Alcalde interrompea dicíndolle que se ciña ao tema da variante, obxecto do pleno ou lle corta a palabra.



NUMERADO
CORPORACIÓNS
LOCAIS



A señora Canal Gómez dí que o PP está en contra das catro variantes porque producen un importante impacto ambiental e rompen varias parroquias do concello e que o goberno municipal sabía perfectamente esta cuestión dende o ano 2004 para o que lee parcialmente un informe do servizo de urbanismo. Lle parece que iso evidencia que había un consenso previo para elixir, entre as alternativas, a máis viable dende o punto de vista económico. Considera que o doado sería ter feito un documento de consenso entre tódolos grupos da corporación coa plataforma vexiñal e por iso solicitaron un pleno extraordinario que o alcalde convocou para o vindeiro luns ás nove da mañán.

O Alcalde dí que a señora Canal minte porque nin a ela, nin a nadie do PP se lle nega o acceso a ningún documento e por iso lle indica sempre que o pida por escrito, para que quede constancia, dado que, do contrario, non fai senón mentir.

Toma a palabra o señor González Iglesias e dí que a postura do PSOE é, claramente, a de rexeitar as catro propostas de variante porque ningunha delas resolve os problemas de tráfico e poden destrozar algunhas parroquias. Dí que o seu sería rematar ahí a súa intervención pero non pode admitir algunhas das cousas que dixo a señora Canal e que ela mesma sabe que non son certas. Lee un fragmento dun acta da Xunta de Goberno da Deputación Provincial no que se da conformidade a un informe sobre os técnicos de medio ambiente en relación ás variantes e di que hai que ter en conta que a presidenta da comisión de medio ambiente da Deputación é precisamente a señora Canal.

O Alcalde dí que vai a abrir un novo turno de intervención pero cadanseu dos grupos ten somentes tres minutos de tempo.

O señor Pérez Pardo reitera novamente o seu voto afirmativo á proposta. Pensa que é positivo que Fomento saiba que ten en contra aos veciños e á corporación de Redondela. Estima que posto que o mesmo voceiro da Plataforma pediu á Deputación que rectifique a súa postura, o PP debía facelo e ter *"cabeciña política"*.

O señor Bastos Fernández dí que xa manifestaron o seu apoio total á plataforma dicindo que non ás catro variantes. Lle parece unha aberración o que quere facer Fomento.

O señor Pazos Docampo dí que a pesares de que algunhas cousas que dixo a señora Canal merecerían a súa réplica, lle parece máis interesante chegar a acordos e adoptalos unánimemente.

A señora Canal Gómez dí que se os tiveran convocado á xunta de voceiros, eles participarían na mesma pero non contaron con eles e inda por riba convocan o pleno que eles solicitaron para trata-lo tema o luns ás nove, con premeditación, alevosía e madrugón.

O Alcalde dí que él chegou a uns compromisos coa Plataforma de convocar o pleno para este día a esa hora, antes de que chegara a solicitude de pleno extraordinario por parte do PP.

A señora Canal Gómez dí que o PP tamén se reuniu coa Plataforma e que dende o principio dixeran que neste tema terían que ir todos xuntos. Dí que o informe da Deputación non é vinculante e que o que se fixo no organismo provincial foi informar as variantes, dado que tampouco se ofrecía a posibilidade de dar alternativas e que, non obstante, o luns vai a presentar unha proposta na Deputación pedindo que se rexeiten expresamente esas catro propostas de variante. Aínda así, estima que o máis importante é a alegación do Concello.

O señor González Iglesias dí que a señora Canal segue a mentir pero alégrase de que se comprometa para que a Deputación rexeite as variantes.

VOTACION E ACORDO.-

Sometido o asunto a votación, o Concello Pleno, acorda por unanimidade dos/as Sres. Concelleiros/as



(Sinatura do Presidente)

Folio N.º 11

Serie A N.º 1483494

presentes, sendo dezanove votos a favor (7 do PSdeG-PSOE, 6 do PP, 3 do BNG, 2 de RA, e 1 de EU-IU), prestar aprobación á Proposta da Alcaldía nos antecedentes transcrita.-

2.- PROPOSTA DA PLATAFORMA VECIÑAL CONTRA AS VARIANTES DE REDONDELA.-

ANTECEDENTES.-

Polo Sr. Alcalde procédese a dar lectura á seguinte proposta, de acordo coa formulada pola Plataforma veciñal contra as variantes de Redondela:

“D. Alberto Cabaleiro Táboas, con domicilio a efectos de notificación en Cesantes, Barrio San Pedro, 136, Redondela (Pontevedra). En representación da Plataforma Veciñal Contra as Variantes de Redondela.

MANIFIESTA LO SIGUIENTE:

1.- Antecedentes:

Primero.- Con fecha siete de agosto de 2006 se publicó en el Boletín Oficial del Estado (BOE) un anuncio de la Demarcación de Carreteras del Estado en Galicia por el que se somete a Información Pública la aprobación provisional del Estudio Informativo de clave: EI-2-PO-21 “Carretera N-550. Variante de Redondela”. Provincia de Pontevedra.

Segundo.- Los vecinos de Redondela, ante la falta de información, no tuvieron conocimiento del citado anuncio hasta prácticamente el vencimiento del mismo, se organizaron para detener esta actuación. El conocimiento de la pretensión de la Administración de ejecutar la variante de Redondela causó una enorme alarma social que desembocó con la presentación en el Registro General de Redondela de más de mil alegaciones, a pesar de que los vecinos se enteraron casi al vencimiento del plazo para presentar dichas alegaciones.

Tercero.- Los vecinos de Redondela, ante la falta de un posicionamiento claro en contra de la pretensión de la Administración se constituyen en Plataforma Vecinal con el objetivo de informar a la población sobre este asunto y concienciar a los diversos estamentos de Redondela de la necesidad de detener la construcción de una autovía de menos de cinco kilómetros que lleva el tráfico a un embudo como la N-550 a su paso por Cesantes.

Cuarto.- La plataforma solicitó al Alcalde Presidente del Ayuntamiento de Redondela (Sr. Rey Barreiro) la convocatoria de un Pleno extraordinario para tratar este asunto, así mismo en la solicitud se manifiesta la necesidad de que en la parte dispositiva del acuerdo plenario se estableciera claramente el rechazo a la pretensión de ejecutar cualquiera de las alternativas previstas. Según tenemos conocimiento dicho Pleno extraordinario está convocado para el próximo viernes día 29 de septiembre de 2006, a las 20.00 horas.

2.- Exposición de motivos.

Primero: Uno de los problemas en relación con el tráfico que tiene Redondela son los desplazamientos a las poblaciones de su entorno como son: Vigo, Pontevedra y O Porriño... La densidad de tráfico en las vías que comunican las poblaciones antes citadas es lenta dado que apenas hay tramos donde adelantar y en buena parte del trazado está limitada la velocidad.

Segundo: La autovía prevista y ya defendida por los distintos grupos políticos con representación en el Parlamento de Galicia, que va desde Pontevedra a O Confunco, con un ramal a Vigo, va a producir una minorización de tráfico en el puente de Rande y por supuesto la práctica desaparición del tráfico, de paso, en Redondela. Por lo tanto no parece lógico el construir una autopista para comunicar las parroquias de este municipio.



Tercero.- Desde la Plataforma Veciñal consideramos que es una aberración, y un despilfarro de fondos públicos, la ejecución de una autopista de menos de cinco kilómetros, de cuatro carriles para ir hasta Cesantes y luego continuar en caravana hasta Arcade, Pontevedra ... etc.

Cuarto.- Desde la Plataforma Veciñal no comprendemos como se puede plantear una barbaridad de este tipo, dado que produce un destrozo medioambiental, social y económico en el municipio de Redondela.

Por todo ello

SOLICITAMOS:

Que en la parte dispositiva del acuerdo plenario que se va a adoptar en relación con este asunto (Variantes de Redondela) conste de forma expresa al menos los siguientes puntos:

Primero: Rechazar todas las variantes propuestas en el Estudio Informativo de clave: EI-2-PO-21 "Carretera N-550. Variante de Redondela". Provincia de Pontevedra, por considerar que produce impactos muy negativo desde el punto de vista ambiental, social y económico, constituyendo un atentado para el desarrollo sostenible de Redondela.

Segundo.-Asumir como propias las alegaciones presentadas por los vecinos de Redondela en el Registro General de este Ayuntamiento, que coincidan con el punto primero. Además el Ayuntamiento de Redondela formulará, en plazo, las correspondientes alegaciones contra dicho proyecto en las que se fundamentará técnicamente sobre los perjuicios económicos, medioambientales y sociales que la obra propuesta ocasiona a Redondela.

Tercero: El Ayuntamiento de Redondela se personará en los procedimientos administrativos en trámite, en orden a conseguir la anulación del proyecto mencionado y en su caso a impedir la ejecución de las obras previstas en el Estudio Informativo de clave: EI-2-PO-21 "Carretera N-550. Variante de Redondela". Provincia de Pontevedra.

En el supuesto de que en dichos procedimientos administrativos no se consiguieran los objetivos indicados en el párrafo anterior, de rechazar el proyecto y en su caso de impedir la ejecución de las obras, el Ayuntamiento ejercerá las acciones legales que correspondan.

Cuarto: El Ayuntamiento de Redondela se compromete a tener puntualmente informada a la Plataforma Veciñal, prestándole incluso asistencia técnico-jurídica con personal del mismo Ayuntamiento de Redondela.

Quinto: El Ayuntamiento de Redondela solicitará a la Xunta de Galicia y a la Diputación Provincial de Pontevedra que manifieste su oposición expresa y rotunda a la obra propuesta y prevista en el Estudio Informativo de clave: EI-2-PO-21 "Carretera N-550. Variante de Redondela". Provincia de Pontevedra.

Sexto: El Ayuntamiento de Redondela dará traslado de este acuerdo plenario a los siguientes organismos: Ministerio de Fomento, Demarcación de Carreteras del Estado en Galicia, Xunta de Galicia, Consejería de Política Territorial, Obras Públicas y Transportes, así como a la Diputación Provincial de Pontevedra."

VOTACION E ACORDO.-

Sometido o asunto a votación, o Concello Pleno, por unanimidade dos/as Sres. Concelleiros/as presentes, sendo dezanove votos a favor (7 do PSdeG-PSOE, 6 do PP, 3 do BNG, 2 de RA, e 1 de EU-IU), acorda:

Primeiro.- Prestar aprobación á proposta da Plataforma Veciñal nos antecedentes transcrita.



(Sinatura do Presidente)

Folio N.º 12

Serie A N.º 1483495

Segundo.- Por razóns de urxencia, dar conta do acordo á comisión informativa correspondente para os efectos do previsto no artigo 126.2 do RD 2568/1986 de 28 de novembro polo que se aprobou o Regulamento de Organización, Funcionamento e Réxime Xurídico das Corporacións Locais (ROF).-

E, non habendo máis asuntos que tratar, pola Presidencia dase por rematada a presente sesión, sendo as vinteunha corenta horas da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 9 do Papel Timbrado da Comunidade Autónoma de Galicia, Serie A nº 1483492 ata o folio núm. 12, Serie A nº 1483495, de todo o que, como Secretaria, DOU FE.-

O ALCALDE

A SECRETARIA XERAL

XAIME REI BARREIRO

ANA BEGOÑA MERINO GIL

**SESIÓN EXTRAORDINARIA CELEBRADA POLO PLENO DO CONCELLO O DÍA 2 -
OUTUBRO - 2006**

ORDE DO DÍA

ASUNTO ÚNICO:

POSICIONAMENTO DOS DIVERSOS GRUPOS POLÍTICOS QUE FORMAN A CORPORACIÓN MUNICIPAL ANTE O ANUNCIO POR PARTE DE FOMENTO DE SOMETER A INFORMACIÓN PÚBLICA AS POSIBLES VARIANTES DE CIRCUNVALACIÓN DE REDONDELA-BOLETÍN OFICIAL DE 07/08/06.

Na Casa do Concello de Redondela, sendo as nove horas do día dous de outubro de dous mil seis, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, Dª. LAURA LAGO ALLER, Dª. MÓNICA CARREIRA COUÑAGO, Dª. MARIA ALBINA REBOREDO SURIS, D. CARLOS GONZÁLEZ FERNÁNDEZ, Dª. FRANCISCA CANAL GÓMEZ, D. JUAN TIZÓN CABALEIRO, D. ANTÓN DÍAZ MOURELLE, Dª. Mª DEL CARMEN AMOEDO DASILVA, D. JAIME DARRIBA VILAS, Dª. CECILIA PÉREZ ORXE, D. ALEJANDRO BASTOS FERNÁNDEZ, e D. MANUEL PÉREZ PARDO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretaria a Secretaria da Corporación DONA. ANA BEGOÑA MERINO GIL, constitúese o Pleno do Concello, en sesión extraordinaria, conforme á convocatoria a petición do Grupo Municipal do Partido Popular, e de acordo coa Orde do Día.

Non asisten, excusando a súa ausencia, os/as Sres./as Concelleiros/as seguintes: D. MANUEL IGLESIAS CARRERA, D. FERMÍN ALFAYA PAZ, D. RODOLFO PATO GARCIA, D. XOSÉ CARLOS PAZOS DOCAMPO, Dª. PURIFICACIÓN SERRANO CAVIEDES, e Dª. HERMINDA QUELLE FERNÁNDEZ.

INCIDENCIAS.-

Con carácter previo no tratamento do asunto incluído na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a trata-lo seguinte punto da Orde do Día.-